



## Neviim (prophètes) - Judges

### Chapitre 2

- 2,1 ויעל מלאך-יהוה מן-הגלגל, אל-הבכים; {פ} ויאמר אעלה אתכם ממצרים, ואביא אתכם אל-הארץ אשר נשבעתי לאבותיכם, ואמר, לא-אפר בריתי אתכם לעולם.
- 2,2 ואתם, לא-תכרתו ברית ליושבי הארץ הזאת--מזבחותיהם, תתצון; ולא-שמעתם בקולי, מה-זאת עשיתם.
- 2,3 וגם אמרתי, לא-אגרש אותם מפניכם; והיו לכם, לצדים, ואלהיהם, והיו לכם למוקש.
- 2,4 ויהי, כדבר מלאך יהוה את-הדברים האלה, אל-כל-בני ישראל; וישאו העם את-קולם, ויבכו.
- 2,5 ויקראו שם-המקום ההוא, בכים; ויזבחו-שם, ליהוה. {פ}
- 2,6 וישלח יהושע, את-העם; וילכו בני-ישראל איש לביתו, לרשת את-הארץ.
- 2,7 ויעבדו העם את-יהוה, כל ימי יהושע; וכל ימי הזקנים, אשר האריכו-ימים אחרי יהושע, אשר באו את כל-מעשה יהוה הגדול, אשר עשה לישראל.
- 2,8 וימת יהושע בן-נון, עבד יהוה, בן-מאה ועשר, שנים.
- 2,9 ויקברו אותו בגבול ונלתו, בתמנת-חרס בהר אפרים, מצפון, להר-געש.
- 2,10 וגם כל-הדור ההוא, באספו אל-אבותיו; ויקם דור אחר אחריהם, אשר לא-ידעו את-יהוה, וגם את-המעשה, אשר עשה לישראל. {פ}
- 2,11 ויעשו בני-ישראל את-הרע, בעיני יהוה; ויעבדו, את-הבעלים.
- 2,12 ויעזבו את-יהוה אלהי אבותם, המוציא אותם מארץ מצרים, וילכו אחרי אלהים אחרים מאלהי העמים אשר סביבותיהם, וישתחוו להם; ויכעסו, את-יהוה.
- 2,13 ויעזבו, את-יהוה; ויעבדו לבעל, ולעשתרות.
- 2,14 ויחר-אף יהוה, בישראל, ויתנם ביד-שסים, וישפו אותם; וימכרם ביד איביהם, מסביב, ולא-יכלו עוד, לעמד לפני איביהם.
- 2,15 בכל אשר יצאו, יד-יהוה היתה-בם לרעה, כאשר דבר יהוה, וכאשר נשבע יהוה להם; ויצר להם, מאד.
- 2,16 ויקם יהוה, שפטים; ויושיעום, מיד שסיהם.
- 2,17 וגם אל-שפטיהם, לא שמעו--כי-זנו אחרי אלהים אחרים, וישתחוו להם: סרו מהר, מן-הדרך אשר הלכו אבותם לשמע מצות-יהוה--לא-עשו כן.
- 2,18 וכי-הקים יהוה להם, שפטים, ויהי יהוה עם-השפט, והושיעם מיד איביהם כל ימי השופט: כי-ינחם יהוה מנאקתם, מפני לרציהם ודחיקיהם.
- 2,19 ויהי במות השופט, ישבו והשחיתו מאבותם, ללכת אחרי אלהים אחרים, לעבדם ולהשתחות להם: לא הפילו ממעלליהם, ומדרכם הקשה.
- 2,20 ויחר-אף יהוה, בישראל; ויאמר, יען אשר עברו הגוי הזה את-בריתי אשר צויתי את-אבותם, ולא שמעו, לקולי.
- 2,21 גם-אני לא אוסיף, להוריש איש מפניהם, מן-הגוים אשר-עזב יהושע, וימת.
- 2,22 למען נסות בם, את-ישראל: השמרים הם את-דרך יהוה ללכת בם, כאשר שמרו אבותם--אם-לא.
- 2,23 וינח יהוה את-הגוים האלה, לבלתי הורישם מהר; ולא גתנם, ביד-יהושע. {פ}



### 1 Histoire pour Chabbath, Tome 1 (Binyamin Benhamou)

Les plus passionnantes histoires racontées par Binyamin Benhamou, enfin en livre !

Commandez : Tel. (Fr) : +33.1.80.91.62.91 - (Isr) : +972.77.466.03.32 - [www.torah-box.com/editions](http://www.torah-box.com/editions)